

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gebet- und Andachtsbuch - Cod. Lichtenthal 98

Oberrhein, [Anfang des 16. Jh.]

Anleitung zur rechten Buße

[urn:nbn:de:bsz:31-35621](https://nbn-resolving.org/urn:nbn:de:bsz:31-35621)

Dyefes ist zu mole eyn
hyblich trostlich leere /

Eyn hoher wyser leere :
vnd meyster der heyligen
gesthryfft / Sprach zu eym
male eynere zyt vß dem buch
der ewigen wyßheyt / Ich
wyl den menschen leeren :
das ime dye büse : myt den
sünden vergeben wirt /
wan es ist eyn grosse schande :
das ymer eyns Crysten men-
schen sele gefert in das feg-
füre / wan das lyden ihesu
xpi : ist also gar rych : Das
es gnug were : für tusent
welt sünde : ob echt der
mensche recht dar ime

71
gesuchen künde / wan es
ist also nürwe : vnd freysth :
vnd also überflüssig : Also
es was . do er hynge an dem
heyligen Crütze / **Darumbe**
xpus hat gethon : als eyn
reicher künige : der eynen
gulden berg leytt in syn
landt : vnd sprichet zu
allem synem volk / Wer
gelten sal / der gange zu
diesem gulden berge : vnd
neme do von gut / vnd golde /
wie vil er wyl : vnd gelte syn
schulde / **wer das mit düt / vnd**
gyltet vß synem eygen seckel /
der verstmocht den künig : /

und syn güt / Darumbe söllent
alle crysten lüte louffen: und
ylen zu dem gulden berge:
des rychen. Und überflüssigen
schatzes: des hohen wredigen
lydens unsers herren ihesu
xpi: Und süllent do nemen
güt: und golde: do myt sy
mögent bezalen yre schulde:
gott dem hymelsthen vatter /
wan das lyden unsers herren:
ist als eyn guldyn berg: und
als eyn überflüssig mere: das
nyeman ersthöpfen mag /
Darumbe merckent: weye
re daruf sthöpfen. Und nemen
süllent / wan der mensths sin
bychte luter gantz. und wore

hat gethon / So sal er vier
 dyng ernstlichen an sehen /
 Was erste : ist die großheyt
 syner sünden / Was ander :
 dye kleynheyt syner büße :
 dye er tragen sal . umb syn
 sünde / Was dreytte : ist dye
 bitterkeyt des lydens vnser
 herren ihesu xpi / Was vierde :
 ist die manigfaltigkeyt . vnd
 großheyt syner feucht : vnd
 nitze : dye er vns do myt er //
 worden hat / Es sal dan der
 mensthe nemen dye großheyt
 syner sünde : vnd sal dye werffen .
 in dye bitterkeyt der pñe vn //
 ser herren ihesu xpi : das sy
 do zu mole vernichtet werde /
 vnd sal denne nemen dye

kleyneheit syner büße: vnd
sal dye werffen: in dye bitter-
keit. vnd in das vn messige
verdieneu vnserer heeren
ihesu xpi: mit rechtem glou-
ben: vnd mit stetter zuversicht/
vnd sal sprechen mit andacht
synes hertzen: dyese nach ge-
gesthryben gebeth /

Lieber here Ihesu xpe:
ich würffe dye grofheyt my-
ner sünde: in dye grofheyt
dynes kostberlichen verdie-
nens: vnd myne kleyne
vnvolkommenheit der büße:
in das vollkommen über-
flüssig gnüg thun dynes
fruchtberen lydens. vnd bitte

dych lieber herre : das alles
 dyn verdienen . myr zu hülffe
 kume : an sele . vnd an lybe :
 vnd syge myr ein vollekō
 men gnüg tunde : vnd besse
 runge : für alle myn schulde :
 vff das ich durch dyne barm
 hertzykeit . geledyget werde :
 von pyne : vnd von schulde /
 Vnd das bytte ich ouch dych
 hymelischer vatter : durch
 dynen aller liebsten sun vn
 seren herren Jhesum xpm :
 vnd durch syn werde mütter .
 der reynen luterer jung
 frawen maria : gottes in
 wohnunge / Amen /

Also salt du bynden. vnd
knüpfen alle dyne sünd:
vnd stuld: vnd büß: vnd
besserung. an das wyredige
verdienung vnseres herren
ihesu xpi: der so überflüssig
klychen für vns gebessert het.
Vnd sprich es ouch alwegen

O myn lie, nach der bycht /
ber herre ihesu xpe: des
lebenden gottes sun. Ich be-
kenne myner sünden swer-
heyt. vnd manigfaltikeyt /
myt den ich dicke: vnd vn-
billych dich mynen lieben
herren erzürnet han / Ich
bekenne ouch myner büße

cleynheyt. Zu zelende / Ich
 bekemme ouch wol das
 hochgultygkheyt dynes wyr-
 digen verdienendes / Und
 bytte dych. das du myr von
 dem vnmeffigem schatze.
 dyner besserunge: Zu sture
 lossent rymmen. Zu myner
 cleynen buß: das sy myt
 krafft krefftig werde: ab
 Zu legende. und Zu ver-
 geltunge: alle dye schuld /
 dye ich ye gedet / *wan hye*
myt so byndent. und knupff-
fent wyr vsser buße / und
vnserunge: an das wurdige
verdienenen vnsero herren

ihesu xpi: der so überflüsse,
glichen für vns gebesser hat ruf
Item das dreyt gebett / das
du sprechen salt nach der
bycht / Vnd do mitt also din
büß: kniupffen vnd hefften:
vnd werffen: in das würdige
sacrament: vnd verdienen.
vnd lyden vnser lieben herren
ihesu xpi / vnd sprich also /

O myn lieber herre ihesu
xpe: O fürste vnmeßiger
vnd vilycheyt / Ich bekenne
myner sünden schwerheyt:
vnd manigfaltigkeyt / mit
den ich dycke: vnd vnbil-
lichen: dych mynen lieben

herren erzürnet han / Ich
 bekeme ouch myner büsse
 cleynheit : gegen myner
 sünde großheit zu zelende /
 Wan ein pater noster langt
 nit verre / hie salt du
 nemen / für das pater noster :
 was dir der bycht vatter : hat
 zu büß geben / Es sye wyse
 kleyn . oder wyse groß es wolle //
 Ich bekeme ouch dye groß
 heyt . dynes hochgultigen
 verdienens / Und bytte dich .
 das du mir zu stüce lassent
 rinnen : myner cleynen büß /
 von dem unmessigem schatz /
 dyner besserunge : das sy mit
 krafft . dynes verdienendes :

krefftig werde ab zu le-
gende: vnd zu vergeltende:
alle myne schulde / So wiet
es vergeben: in eynem augen
blicke / keere aber du dich
nymen halber dar zu / mit
dyner liebe: du mußt dester
lenger schuldig syn /

— Wer wurdige leter santus
augustinus. het gemacht
sechs andechtiger gebette:
von dem heyligen sacramente /
des fleischlichen vnser
herren ihesu xpi / Das
erste gebett ist / das ime got
gebe geboren rinnen / vnd
eynen zu gangt. mit eynere
luterer consciencien / Das